

Rest'la maloya

Auteur et compositeur : Alain Peters

Arrangeur: Néna Kissa M'R

Couplet n°1 :

Pier, Paul, Jak ek Jozeph
Karo, pik, kèr, sanm trèf
Té parti fé kampagn,
Pousé pa kel Charlemagne.
Garoté dan in bel pagne,
Grymp la ho la montagn
Kom sel résolityon
Fann zot dépitasyon.
Zot té bin'y d'in linkompréantyon,
K'lété vrémen total
D'moun té ki di "sa band' la pa normal"
Vautré si la plaze la Rényon
Ou byin dann sité béton
Kantité la moral
Zot té i aval
Malgré zot figir landmin kou d'ven
Té vé war kosa navé pli d'van

Refrain :

Rest'la maloya,
Rest'la maloya,
Rest'la maloya,
Rest'la minm
Rest'la maloya,
Rest'la maloya,
Rest'la maloya,
Rest'la minm

Couplet n°2 :

Et momon mon gaté
Doulèr la di pasé
Pou awar fé amwin
Oui ton garson Alain.
Néna ossi mon fille
Tite Ananda Davy
K'la koni son papa
Si l'mars le plis anba.
Pa tou pa tou lé zour
Mwin lété pou twé in bon soutyin
Mi arkonné ke mwin la fé plis de mal ke de byin.
Marco bonpé noré pa pi fèr

Rest'la maloya

Auteur et compositeur : Alain Peters

Arrangeur: Néna Kissa M'R

Sak twé la fé pou mwin
Kan twé la ramass amwin dann somin.
Fo pa kol kouplé ek lo rofrin
San tro rod ki koté sa i vyin.

Couplet n°3 :

Médité pa fasil
Bann pansé pa dosil
Pou lav bordaz pésé
Un ryin k'pou cominié
Pran pa ou pou goril
Ou vé artrouv out lile
Pa tro martirizé
Ek tout ladilafé
Osi zordi mi veux byin
Sèy rale in kou si le refrin
Pa si tan bord'le rhum ek tout lo vin
Bondyé astèr na ryin k'ou
Pou tir amwin dann ce refrain
Mi préfèr larg' mon lame dan out lamin
Mi koné pou mwin sra difisil
Mé mi voudré pi artourn lazil